

欽定大清會典圖

欽定大清會典圖卷一百六十四

輿地二十六

忻州圖

代州圖


保德州圖


解州圖

忻

州

圖





忻州在省治北一百里至


京師一千三百里。領縣二。東北定襄。西北靜樂。滹  
沱河自代州崞縣南流入界。經州治北。屈東流。  
經定襄縣北。牧馬河出州治西南。白馬山合州  
西諸山水東北流注之。又東入代州五臺縣界。  
汾河自甯武府甯武縣西南流入界。經靜樂縣  
北。別源出縣北管涔山東南流來會。又南經縣  
西碾河出縣東北巾字山西流注之。又南經縣  
南石峽山。嵐水自太原府嵐縣東流來注之。又  
南經樓煩鎮東。獨石河出縣西南境東北流注。


之又東南入太原府交城縣界雲中河出州治  
西雲中山東北流入崞縣界州東及東南界平  
定州西至南界太原府北及東北界代州西北  
界甯武府

代

州

圖







代州在省治東北三百二十里至

京師七百里。領縣三。東繁峙。東南五臺。西南  
崞縣。滹沱河出繁峙縣東泰戲山。合三泉水華  
嚴水西流經州治南。又西戎谷水出繁峙縣南  
境西北流注之。又西雁門水出州治北雁門山  
南流注之。經州治南。又西羊頭神河出州治西  
北境南流注之。又西折南經崞縣東。又南陽武  
河出縣西陽武鎮東流注之。又西南板市河舊  
名沙河出縣西南太子巖。雲中河自忻州來合  
東流注之。又南錯入忻州及定襄縣界。復經五

臺縣西南銅川河出崞縣東福壽山東南流注之。又東泉巖河出縣西境東南流注之。又東經縣南清水河出縣東境合神武泉。虢陽河。慮虢河。東峪河。西流折南注之。又西入平定州。孟縣界。沙河出繁峙縣東巖頭山。東流入直隸正定府阜平縣界。滋水出五臺縣東烏牛山。東南流入正定府平山縣界。五臺山一名清涼山。在五臺縣東北。州東及東南界直隸正定府。西界甯武府。南及西南界忻州。北及東北界大同府。東南界平定州。西北界朔平府。

保德州圖





保德州在省治西北四百六十里至


京師一千七百十五里。領縣一。東北河曲。黃河自甯武府偏關縣西南流經河曲縣北。又經縣西西北為陝西榆林府府谷縣界。又西南經河邑鎮西。大澗河自甯武府五寨縣西流來注之。又西南經州治北天橋石峽。是為呂梁洪。又西南經治西。石佛河出河曲縣東南境合葫蘆山水。西流經治南合朱家川水西北流注之。又南左納一小水。又南入太原府興縣界。州東及東北界甯武府。北至西界榆林府。南及東南界太原


府。

解

州

圖





解州在省治西南九百五十里至

京師一千四百五十里。領縣四。東南平陸。西南芮城。東北安邑。夏縣。黃河自蒲州府永濟縣東流。經芮城縣南。南為河南陝川閿鄉縣靈寶縣界。洪源澗水。地皇泉。葡萄澗水。並出縣西北境。合南流注之。經縣南。又東。涇水。恭水。並出縣東北境。合南流注之。又經平陸縣南。南為河南陝州界。中條山諸澗水。並南流注之。又東出三門。過砥柱山。又東。劉家溝水。后溝水。積石水。並出夏縣東境。南流注之。又東入絳州垣曲縣及河南

河南府澠池縣界。澠水自絳州聞喜縣西南流  
入界。經夏縣西。又西南經安邑縣西北。又西入  
蒲州府虞鄉縣界。姚暹渠出夏縣東。至咸谷西  
流。經縣南。合橫洛渠。經安邑縣東北。合王峪水。  
經縣北。折南流。又西經州治北。又西入蒲州府  
虞鄉縣界。鹽池在州治東。安邑縣西南。硝池一  
名女鹽池。在州治西。六小池亦在州治西。苦池  
一名苦鹽灘。在安縣東。州東及東北界絳州西  
至北界蒲州府南。及西南界河南陝州東南界  
河南河南府。

欽定大清會典圖卷一百六十五

輿地二十七

絳州國

隰州國

沁州國

遼州國


霍州國


歸綏道屬七廳圖

絳

州

圖





絳州在省治西南七百十里至

京師一千八百里。領縣五。西南聞喜。東南絳縣垣曲。西稷山。河津。黃河自平陽府鄉甯縣南流經河津縣西。西為陝西同州府韓城縣界。南出龍門山入蒲州府榮河縣界。復自解州平陸縣東流經垣曲縣南。南為河南懷慶府滎池縣界。亳水清水並出縣西北境。合流為亳清河。東南流至縣西。合白水注之。又東受沅水。水二源。西源出縣東北。歷山南。流經同善鎮西南。其東源曰教水。自澤州府陽城縣西南流來會。又南經縣


東注黃河。黃河又東入河南懷慶府濟源縣界。汾河自平陽府曲沃縣西南流入界。經州治東南。會澮水。水自平陽府翼城縣西南流入界。經絳縣東北。左納故郡水。屈西北流。仍錯入平陽府曲沃縣界。復西南流。經州治東南。與汾河會。汾河又西。經州治西。清濁二水出州治北。鼓山並南流。注之。又西。經稷山縣南。又西。經河津縣南。西南流入蒲州府榮河縣界。涑水出絳縣東南。太陰山西。流經縣南。又西。經聞喜縣東。右合甘泉水。又西南。沙渠水。俗名呂莊河。出縣東南。


境合諸山水西北流注之。又西經縣西南入解  
州。夏縣界。絳水出絳縣東南。回馬嶺北流入曲  
沃縣界。州東至北界平陽府。西界陝西同州府。  
南界解州。東南界澤州府。河南懷慶府。河南府。  
西南界蒲州府。

隰

州

圖





隰州在省治西南五百五十里。至


京師一千七百里。領縣三。東南蒲縣。西南大甯。西北永和。黃河自汾州府石樓縣南流。經永和縣西。西為陝西延安府延川縣界。又南為老牛灘。西為延安府宜川縣界。仙芝水出縣東北。仙芝谷合榆林川水。甘露河西南流注之。又南經大甯縣。西馬關。關北受昕川河。河三源。南源曰第一河。即東大河。出蒲縣東南分水嶺。西北流。右合東小河。又西經縣南。南川河自平陽府北流。來注之。經縣西。屈曲西北流。經大甯縣東南。懸


底河自平陽府吉州來北流注之。又經義亭村名義亭川。又西北經縣西南會北源。北源曰紫川。河舊名隰河。出州治北境。合諸山水南流。其東源曰義泉河。自平陽府汾西縣來合聖水山泉。西流並經州治西南。作城鋪合西南流。左納蒲川水。又西流與南源會。是為昕川河。又西北注黃河。黃河又南入平陽府吉州界。姑射山在蒲縣東。州東及東南界平陽府。西界陝西延安府。南界平陽府。北及西北界汾州府。東北東南並界霍州。

沁

州

圖





沁州在省治東南三百十里。至


京師一千七百里。領縣二。西南沁源。東北武鄉。沁河出沁源縣北。縣山諸谷源有三。一曰水峪河。出車家嶺。一曰琴峪水。出崖頭滑鳳二村。一曰青果山水。出白狐窰。並經陽城村西南合流。又南。西源曰澧水。出河底村東南流來會。又西南經縣東。右納西川河。又南經縣南左納青龍河。又南入平陽府岳陽縣界。小漳水自遼州榆社縣南流入界。經武鄉縣西。甲水出縣西北。護甲山西南流注之。又東流經縣南右納南亭河。又


東折南洪水舊名青石河出縣東雙峯山合黃  
巖水南流折西注之又南入潞安府襄垣縣界  
濁漳河北源出州治西北伏牛山東南流經治  
西北合小河水經州西又南右納後泉水銅鞮  
水又南入潞安府襄垣縣界昌源河出武鄉縣  
西北分水嶺東北流入太原府祁縣界州東至  
南界潞安府西界霍州北界太原府東北界遼  
州西北界汾州西南界平陽府

遼

州

圖





遼州在省治東南三百四十里。至


京師一千二百里。領縣二。西南榆社。東北和順。清漳河自平定州南流入界。經和順縣西北。曲東南流。經縣東。又南。梁餘水東南流注之。又南。清河會萬泉水西南流注之。又西南。西漳水出和順縣西北。八賦嶺西南流來會。又南入河南彰德府界。小漳水一曰榆社水。出和順縣西山。南流。經榆社縣西南。右納西川河。左納儀川河。西南流入沁州武鄉縣界。沙河出縣東南。入直隸順德府沙河縣界。州東界直隸順德府。西及西


北界太原府。北界平定州。南及西南界沁州。東  
南界潞安府。河南彰德府。東北界直隸趙州。

霍

州

圖







霍州在省治西南五百里。至

京師一千五百五十里。領縣二。北靈石。西南趙城。  
汾河自汾州府介休縣西南流入界。經靈石縣  
北。右納景家溝。左納小水河。經縣西。又南。右納  
石門峪河。新水峪河。左納仁義河。又經州治西。  
左納燕水。錯入平陽府汾西縣界。復經趙城縣  
西。左納霍泉水。又南入平陽府洪洞縣界。霍山  
在州東。州東及東北界沁州。西界平陽府。北及  
西北界汾州府。南及東南界平陽府。西南界隰  
州。

歸綏道屬七廳圖





歸綏道屬七廳歸綏道駐歸化城在省治西北  
八百九十里至

京師一千一百八十里歸化城廳之南清水河廳  
東南和林格爾廳甯遠廳豐鎮廳西南托克托  
城廳薩拉齊廳黃河自鄂爾多斯左翼前旗界  
緣界東流經薩拉齊廳西南包頭河五當河並  
南流注之經廳南又東蘇爾哲河二源並出廳  
東北大西溝合西南流經杜守節營右合一水  
來注之又西冒帶河出廳東北二源合南流注  
之又東南經托克托城廳西受黑河河二源一

日金河。即伊克土爾根河古芒干水出歸化城  
廳東北官山南流喀喇江哲爾得河並西流注  
之折西經廳治南小黑河出廳東北喀喇克沁  
山南流合九達海河來注之又南哈爾几河南  
流注之又西南經托克托城東北黃水河出甯  
遠廳北西流經和林格爾廳北合二小水注之  
又西克魯庫河古白道中溪水出廳北土城子  
南流右出支津為多羅圖河夾畢齊克司南復  
合南流注之又西南經廳治北察素河自歸化  
廳西北南流注之又西南注黃河黃河經廳治

西。又東南至清水河廳西北受清水河。河自朔平府平魯縣西流自大水口入界。經清水河廳東南紅門口水鎮川口水合西北流來會。為三汭河。又西北經廳北邊外。兔毛河自朔平府右玉縣來合甯遠河西流。為烏蘭穆倫來會。又西北注黃河。黃河又南經廳西折西南入保德州河曲縣界。如渾河古御河出豐鎮廳葫蘆海南流。經廳東南大莊科水西南流來會。得勝河合聚寶河東南流來會。又南入大同府大同縣界。南陽水古雁門水出豐鎮廳東北山羊巖南流。

入大同府陽高縣界。西陽河古延鄉水。出豐鎮廳東與石塘河並入直隸宣化府懷安縣界。東陽河古于延水。出豐鎮廳東北。經二道河司與一水並入直隸張家口廳界。大海在甯遠廳東北。布波河南流注之。布爾哈蘇台河莽阿河並北流注之。大青山在歸化城北。東界直隸張家口廳。西界內蒙古鄂爾多斯左翼旗。北界察哈爾。南界大同府朔平府。西北界茂明安四子部落旗。

欽定大清會典圖卷一百六十六


輿地二十八


河南省全圖

開封府圖

陳州府圖


河南省全圖一






河南省全圖二

南






河南省在


京師西南。開封府為省治。河南巡撫布政司共治。  
馬統府九州四。開封府之北彰德府。西河南府。  
陝州。東南歸德府。陳州府。光州。西南許州。汝州。  
南陽府。汝甯府。西北衛輝府。懷慶府。黃河自陝  
西省東北流經陝州北。至河南府西北入境。東  
流經府北。及懷慶府南。合濟水。又東洛河亦自  
陝西入境。合澗河。澠河。伊河。東北流注之。又東  
合沁河。經開封府北。衛輝府南。至開封府東北  
入直隸大名府界。其故道東南出入山東曹州。

府界。衛河出衛輝府西北。合小丹河。淇河東北流。經彰德府東。亦入大名府界。清漳河自山西遼州入境。經彰德府西北。濁漳河自山西潞安府東流來會。又東亦入大名府界。賈魯河上游為須索河。出開封府西。東流至府西南。支津東南出。為惠濟河。經歸德府南。合渦河。入安徽鳳陽府界。其正渠東南流。經陳州府西北。合雙洎河。又東南。汝河出河南府西南。合沙河。潁河來會。又東南。為大沙河。入安徽潁州府界。滄河出歸德府北。東南流入安徽鳳陽府界。淮河出南

陽府東南。東流經汝甯府南。光州北。南汝河合  
洪河來會。又東南亦入潁州府界。渦河即小沙  
河上游為蔡河。出汝甯府北。合汾河亦入潁州  
府界。白河即清水。出汝州西南。東南流經南陽  
府東。折西南合湍河入湖北襄陽府界。丹河自  
陝西商州入境。東流合浙水。經府西南亦入襄  
陽府界。唐河上游為趙河。出南陽府東北。合三  
里河。泌河亦入襄陽府界。東至山東界。西至山  
西界。北至直隸界。南至湖北界。東南至安徽界。  
西南至陝西界。

開封府圖





開封府為河南省治在

京師西南一千五百四十里。領州二縣十四。治祥符。東蘭儀。西滎陽。東南通許。陳留。杞縣。西南中牟。鄭州。尉氏。鄢陵。洧川。新鄭。密縣。禹州。西北滎澤。汜水。黃河自河南府鞏縣東流。經汜水縣西。其北為懷慶府溫縣界。經虎牢關北。又東汜水出縣南境。合鞏縣之玉仙河北流。經縣治西注之。又東北其北為懷慶府武陟縣界。又東經滎澤縣西北倉頭口。又東南經廣武山北。又經滎澤縣北為滎澤口。又東經王祿營南為花園口。

又東經鄭州北其北為懷慶府原武縣界又東至京水鎮又東為楊橋口又東經中牟縣北其北為懷慶府陽武縣界又東至東張鎮又東經府治北黑岡口其北為衛輝府封邱縣界又東入界經柳園口至埽頭鎮又東經陳留縣東北曲興集又東至蘭儀縣西北銅瓦廂折東北流入直隸大名府長垣縣界其故道東至歸德府考城縣界賈魯河上游為須索二水索水三源並出滎陽縣南萬山一為聖僧泉一為窩李泉一為響娘子泉三源合北流經縣東曰索河西

北流左納一水。折而東經河陰鄉南。又東經滎  
澤縣南。須水出滎陽縣東南。山東北流左合一  
水。經須水鎮來會。是為須索河。又東經鄭州西  
北。京河出滎陽縣東南。大周山合楊五溝泉。聖  
水冷泉暖泉水。經京水鎮來會。又東經州北。又  
東金水河自州西南十八里。河七里。河自州東  
南北流。經祭城西。合東北流注之。曰賈魯河。又  
東。迤南右納欒河水。又東經中牟縣西。右納龍  
鬚溝水。又東右納鴨陂水。又東經縣治西北。支  
渠東北出。為惠濟河。經祥符縣南。折東南經陳


留縣北。又東南經杞縣北入歸德府睢州界。其  
正渠經中牟縣東南。右納糞陂馬長陂水。又東  
南。右納丈八溝水。又東南至辛店北。右納黑李  
陂武張陂水。又東至祥符縣朱仙鎮。折而南。經  
尉氏縣東南。康溝河新河大溝河東南來注之。  
又東南經白潭西。半截河出通許縣西南流注  
之。又東南入陳州府扶溝縣界。雙洎河上游為  
溱洧二水。洧水自河南府登封縣東流入界。經  
密嶠山北。又東經密縣南。綏水出縣西北。方山  
東南流注之。又東經大隗鎮。又東溱水出縣東。


北聖水峪東南流來會。是為雙洎河。東流經新鄭縣南。又東左納黃水河。折東南。錯入許州長葛縣界。左納梅河水。復經洧川縣西南。左納螯龍河。復青河。橐蛇河水。又東經鄆陵縣北。入陳州府扶溝縣界。潁河自河南府登封縣東南流入界。經禹州西北。湧水三源合。東流注之。又東南經龍池北。左納書堂川。麻地川水。又經州北。南流入許州界。溱水出密縣東南大隗山。東南流經新鄭縣西南。亦曰澮河。經岳口鋪。東入許州長葛縣界。烏溪水出禹州西境。東流折而南。

合藍水入汝州郟縣界。土爐河出禹州東南境。東南流入許州襄城縣界。暖泉河出禹州東北境。東流入許州長葛縣界。石梁河亦出禹州東北境。東流入許州界。文水河出鄆陵縣西境。東流北中南三道河。並出鄆陵縣西南。合東流並入陳州府扶溝縣界。艾城河上承石梁河。自許州臨潁縣緣界東南流。經鄆陵縣西南。合流潁河。又東南入陳州府西華縣界。青岡河出通許縣東南境。南流經杞縣西南。入陳州府太康縣界。睢河、桃河並出陳留縣東北。東南流經杞縣。

東合東流入睢州界。府東及東南界歸德府。西  
界河南府。南界陳州府。北界衛輝府。東北界直  
隸大名府。西北界懷慶府。西南界許州汝州。

陳州府圖





陳州府在省治東南三百里至

京師二千一百里。領縣七。治淮甯北太康東南  
沈邱西北西華扶溝西南項城商水沙河自  
許州郾城縣東流入界。經西華縣西南常社北。  
又東經商水縣北會潁河。河自許州臨潁縣東  
流入界。經縣西右納自許州郾城縣來之土鑪  
河。又東至合河口左納開封鄆陵縣來之流潁  
河。又東經豪城北。大浪河上承鄆陵縣丈水河  
及三道河南流注之。又東南與沙河會。沙河又  
東經八里灣北。又淮甯縣西周家口會賈魯河。

河自開封府尉氏縣南流入界。經扶溝縣北白  
潭鎮。又南。右合自鄆陵縣來之雙泊河。又東南  
經西華縣治東。又東南與沙河會。沙河又東南  
左納柳沙河。又經新站集。又東南至槐店。七里  
河。環府治東南。流經西塘集。分二支。為東西蔡  
河。並自其北注之。又東南曰大沙河。入婁。殷。潁  
州府太和縣界。小沙河即過河上游。曰泥河。自  
汝甯府上蔡縣東流入界。經項城縣南。又東至  
沈邱縣西。會汾河。河出商水縣西。東流。左納枯  
河水。又東。經商水縣南。右納汝甯府上蔡縣之

界溝河水。又東折而南。經項城縣北。婁堤店。又東南。左納澱河。又東南。與泥河會。始曰小沙河。小沙河。又東。經沈邱縣南。迤東南。亦入太和縣界。渦河上游曰青岡河。自開封府通許縣東南流入界。經太康縣西。又東南。經縣南。又東。左納一水。又東南。經黃米口南。又東。經淮甯縣東北。入歸德府鹿邑縣界。西。明河一曰西泺河。出淮甯縣北境。東南流。經臨蔡城北。又東南。經何莊北。亦入鹿邑縣界。府東及東北界歸德府。西界許州。南及西南界汝甯府。北及西北界開封府。

東南界安徽潁州府。